

TŪMAHI AROMATAWAI PĀTAHI



Te Reo Matatini 2024

32415 Ka whakamahi i te reo kia tutuki ai tētahi
pūtakenga whakawhiti kōrero, tuhituhi hoki

NGĀ WHIWHINGA: E 5

Tō NSN

Wāhere Kura (Nama)

NZQA

Mana Tohu Mātauranga o Aotearoa
New Zealand Qualifications Authority

TE TŪMAHI TUATAHI: TUHITUHI

NGĀ TOHUTOHU

Kōwhiria TĒTAHI o ngā kaupapa e toru e whai ake nei hei mahi tuhituhi māu:

Kōwhiringa kaupapa tuatahi: Tētahi kāpenga ara mahi e ngākau nui ana ki ahau.

He **tuhinga māhorahora** te āhua o tēnei momo tuhinga. He hautaka, he rātaka ataata, he tuhi ā-kura, he reta whaiaro, he tuhinga whakaahua pea tōna āhua, kei a koe te tikanga.

Whakaarohia te kāpenga ara mahi e whakahihiri i tō ngākau

- Kia puta tō ihu i te kura, he aha tētahi kāpenga ara mahi māu e whai?
- He aha koe i whiriwhiri ai i taua kāpenga ara mahi māu?
- He aha ētahi pūkenga ōu e hāngai ana ki te kāpenga ara mahi?
- Mā wai koe e tautoko ki te whakatutuki i ō hiahia?
- He aha ngā akoranga kei mua i to aroaro hei whakapakari i ō pūkenga?
- He aha ō moemoeā i te kāpenga ara mahi i whiriwhiria e koe?

Hei tauira: He kaiako kura/kōhanga reo, he kaiwhakaari, he rakahinonga, he rōia, he tākuta, he kaitiaki pūtea, he kaitunu kai, he kaikanikani, aha atu aha atu.

Kia kaha te āta whakamārama i ōu ake whakaaro e whakaniko ai i te tuhinga nei hei rauemi takatū māu.

Kia 100-150 kupu neke atu te roa.

Kōwhiringa kaupapa 2: Me he atua, me he tuahangata ahau.

He **tuhinga auaha** te āhua o tēnei momo tuhinga, arā:

- He whakaari
- He rotarota
- He kōrero paki
- He pakiwaitara pea tōna āhua, kei a koe te tikanga.

Tukuna ngā whakaaro auaha kia rere!

Tuhia mai he whakawhitinga kōrero, he tuhinga paki pea e whakamahuki ana i te momo tuahangata, i te momo atua ranei e ngākaunui ana ki a koe. Waihangatia mai ngā kiripuaki me ōna āhuatanga, ngā kaupapa matua o tō tuhinga ka mutu, whakarākeihia o tuhinga ki ngā kupu auaha kia whakaratarata mai te hunga pānui ki ō kōrero.

Hei tauira: He tuahangata rere, he tuahangata ngaro noa, he tuahangata whakaneke taputapu me tōna hinengaro, he atua nui, he atua iti, he atua kararehe, he atua muna, he atua kino, he atua pai, he tamaiti anō nā Ranginui rāua kō Papatuānuku, he tungāne anō nā Māui.

Kia kaha ki te tautuhi kōrero, ā, whakaarohia ōu ake wheako whaiaro me te pohewatanga o ngā whakaaro e hua mai ai i tō tuhinga auaha.

Kia 100-150 kupu neke atu te roa.

Kōwhiringa kaupapa 3: Tētahi tino kaupapa e ngākaunui ana ki ahau.

Māu anō te momo tuhinga e kōwhiri.

Hei taurira:

- He tuhinga auaha
- He tuhinga huritao
- He tuhinga meka
- He tuhinga paki
- He tuhinga whakaaturanga
- He tuhinga taki kōrero aha atu aha atu.

Kia kaha te whakamahi i ngā momo nuka reo hei whakarākei i tāu tuhinga:

- He whakataukī
- He whakatauākī rānei
- He kīwaha
- He kupu whakarite, aha atu aha atu.

Kia 100-150 kupu neke atu te roa.

Te kaupapa kua kōwhiria e koe: _____

Me tīmata tō tuhituhi ki kōnei. **Kia 100-150 kupu neke atu te roa.**

TE TŪMAHI TUARUA: HE KŌRERO Ā-WAHA

HE WHAKAMĀRAMA

E āhei ana te kaupapa nāu i tuhi i te Tūmahi Tuhituhi te whakakōrero, ā, whiriwhiria rānei tētahi atu o ngā kaupapa e whai ake nei hei kōrero māu.

Me mau a hinengaro ngā kupu o tāu kōrero, kia kua e pānui i te tuhinga i a koe e kōrero ana, ka mutu kia Māori te tū ki te kōrero ā-waha mai, ā reo ā-tinana mai hoki.

NGĀ TOHUTOHU

Kōwhiria TĒTAHI o ngā kaupapa e whai ake nei hei kaupapa kōrero māu.

He reo ōpaki, he reo ōkawa rānei, arā:

- He kauwhau
- He kōrero whakamārama (mōteatea, taonga, pūrākau aha atu)
- He kōrero auaha
- He kōrero taki, aha atu aha atu.

Ka 1-2 meneti te roa o te kōrero ā-waha.

Kōwhiringa kaupapa 1: Tētahi kāpenga ara mahi e ngākau nui ana ki ahau.

He **māhorahora** te āhua o tēnei momo kōrero. Whakaarohia te kāpenga ara mahi e whakahihiri i tō ngākau.

Whakaarohia te kāpenga ara mahi e whakahihiri ana i tō ngākau.

- Kia puta tō ihu i te kura, he aha tētahi kāpenga ara mahi māu e whai?
- He aha koe i whiriwhiri ai i taua kāpenga ara mahi māu?
- He aha ētahi pūkenga ōu e hāngai ana ki te kāpenga ara mahi?
- Mā wai koe e tautoko ki te whakatutuki i ō hiahia?
- He aha ngā akoranga kei mua i to aroaro hei whakapakari i ō pūkenga?
- He aha ō moemoeā i te kāpenga ara mahi i whiriwhiria e koe?

Hei tauira: he kaiako kura/kōhanga reo, he kaiwhakaari, he rakahinonga, he rōia, he tākuta, he kaitiaki pūtea, he kaitunu kai, he kaikanikani, aha atu aha atu.

Kia kaha te āta whakamārama i ōu ake whakaaro e whakaniko ai i te tuhinga nei hei rauemi takatū māu.

Ka 1-2 meneti te roa o te kōrero ā-waha.

Kōwhiringa kaupapa tuarua: Me he atua, me he tuahangata ahau.

He **kōrero auaha** te āhua o tēnei momo kōrero, arā:

- He whakaari
- He rotarota
- He kōrero paki
- He pakiwaitara pea tōna āhua, kei a koe te tikanga.

Tukuna ngā whakaaro auaha kia rere!

He whakawhitinga kōrero, he kōrero paki pea e whakamahuki ana i te momo tuahangata, i te momo atua ranei e ngākaunui ana ki a koe. Waihangatia mai ngā kiripuaki me ōna āhuratanga, ngā kaupapa matua o te kōrero ka mutu, whakarākeihia o ki ngā kupu auaha kia whakaratarata mai te hunga whakarongo.

Hei tauira: He tuahangata rere, he tuahangata ngaro noa, he tuahangata whakaneke taputapu me tōna hinengaro, he atua nui, he atua iti, he atua kararehe, he atua muna, he atua kino, he atua pai, he tamaiti anō nā Ranginui rāua kō Papatuānuku, he tungāne anō nā Māui.

Kia kaha ki te tautuhi kōrero, ā, whakaarohia ōu ake wheako whaiaro me te pohewatanga o ngā whakaaro e hua mai ai i tō kōrero auaha.

Ka 1-2 meneti te roa o te kōrero ā-waha.

Kōwhiringa kaupapa tuatoru: Tētahi tino kaupapa e ngākaunui ana ki ahau.

Māu anō te momo kōrero e kōwhiri.

Hei tauira:

- He kōrero auaha
- He kōrero huritao
- He kōrero meka
- He kōrero paki
- He kōrero mō tētahi whakaaturanga
- He taki kōrero, aha atu aha atu.

Kia kaha te whakamahi i ngā momo nuka reo hei whakarākei i tāu kōrero:

- He whakataukī
- He whakatauākī
- He kīwaha
- He kupu whakarite, aha atu rānei.

Ka 1-2 meneti te roa o te kōrero ā-waha.

Whakaraupapahia/ōhiamanomanotia ōu whakaaro ki konei.
(Kāore tēnei wāhanga e mākahia ana)